



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 22-04-44-1-357/18
Sarajevo, 24.12.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 21.12.2018. do 07:00 sati 24.12.2018. godine

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 22.12.2018. godine u 12:24 sata od Policijske stanice Vogošća, da je u koritu rijeke Ljubine, ul. Nova cesta br. 69 (Semizovac), pronađena jedna minobacačka mina.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

Profesionalna vatrogasna jedinica Kantonalne uprave civilne zaštite Kantona Sarajevo:

U izvještajnom periodu pripadnici Profesionalne vatrogasne jedinice imali su jednu veću i 11 manjih intervencija. Veću intervenciju su imali dana, 24.12.2018. godine u 00:23 sata u ul. Dobroševićka br. 19., Općina Novi Grad, gdje je došlo do požara u skladištu papira. Požar je lokalizovan u 01:10 sati, a likvidiran u 02:35 sata. U gašenju požara učestvovalo je sedam vatrogasaca sa dva vatrogasna vozila. Manje intervencije su bile slijedeće: jedna intervencija na gašenju manjeg požara u ugostiteljskom objektu, jedna intervencija na gašenju zapaljenog smeća u napuštenom objektu, četiri intervencije na gašenju zapaljenog smeća u kontejneru, jedna tehnička intervencija (asistencija policiji prilikom ulaska u stan) i četiri obezbjeđenja (pretakanje goriva na Međunarodnom aerodromu sarajevo, spaljivanje dimnjaka, koncert i Memorijalni turnir).

NAPOMENA: U protekla 24 sata pripadnici Profesionalne vatrogasne jedinice imali su jednu veću intervenciju u ul. Dobroševićka br. 19. i jedno obezbjeđenje (Memorijalni turnir).



Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 8°C, vlažnost zraka 72%, barometarski pritisak 942 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1